

**ROYAL GREENLAND A/S**

CVR-NR. 13645183

Ingerlatseqatigiiffiup qullersaqarfiani Nuummiittumi  
2024-mi maajip 17-iani nal. 09.30  
Ataatsimeersuarnermit imaqarniliaq

**Peqataasut:**

**Piginneqataasut sinnerlugit:** Naalakkersuisut siulittaasuat Múte Bourup Egede,  
Aningaasaqarnermut Akileraartarnermullu  
Naalakkersuisoq Erik Jensen.

**Siulersuisuni ilaasortat:** Siulersuisuni siulittaasoq Malîna Abelsen, siulittaasup  
tullia Niels Thomsen, Preben Sunke, Johan Berthelsen  
aamma Sara Biilmann Egede.

**Pisortaqatigiit:** Pisortaaneq Susanne Arfelt Rajamand,  
Aningaasaqarnermut pisortaq Nils Duus Kinnerup,  
Sulisoqarnermut attaveqatigiinnermullu pisortaq  
Bodil Marie Damgaard.

**Kukkunersiuusut:** Claus Hammer-Pedersen, Partner, EY.

**Aqutsisoq:** Inatsisileritooq Thor Suhr, Nuna Advokater.

**Allat:** Sulisut il.il.

Malîna Abelsen, siulersuisuni siulittaasoq, siulittaasut sinnerlugit ataatsimeersuarnermut  
tikilluaqqusivoq.

Siulersuisuni siulittaasup tamatuma kingorna oqaaseqarneq inatsisilerituumut Thor  
Suhrimut, malittarisassat naapertorlugit aqutsisussatut toqqarneqarsimasumut,  
ingerlateqqippaa.

Aqutsisoq toqqarneqarsimanerminut qujariarluni Naalakkersuisuni siulittaasup Múte  
Bourup Egedep, pisinnaatitaaneq naapertorlugu piginneqataasut Naalakkersuisut  
sinnerlugit taasisinnaatitaasup, peqataaneratigut piginneqataasut tamarmik peqataasut  
oqaatigaa.

Taamatuttaaqaq ataatsimeersuarneq ullumikkut ingerlanneqartussanngorlugu 2024-mi  
apriilip 29-ani emailikkut allagaqarnikkut aggersaasoqarsimasooq oqaatigaa, tamannalu

malittarisassani § 4 ingerlatseqatigiiffiillu pillugit inatsimmi § 94, imm. 1 naapertorlugit ingerlanneqarpoq. Aggersaaneq ingerlatseqatigiiffiillu pillugit inatsimmi § 97, imm. 3 naapertorlugu Erhvervsstyrelsenimut nalunaarutigineqarlunilu ingerlatseqatigiiffiup malittarisassaani § 4, imm. 6 naapertorlugu sulisunut aamma nalunaarutigineqarsimavoq.

Ataatsimeersuarneq kalaallisut danskisullu oqalutseqarnikkut ingerlanneqassasoq aammattaaq ilisimatitsissutigaa. Ataatsimeersuarnermit videoliaq kalaallisut nutserneqarsimasoq Royal Greenlandip nittartagaanut ikkunneqarumaarpoq. Ataatsimeersuarnermit imaqarniliaq taamatuttaaq nittartakkamut ikkunneqarumaarpoq.

Ataatsimeersuarnerup inatsisit malillugit aalajangiiffiusinnaasumik ingerlanneqarneranut isumaqataanngitsoqarnersoq aperaaq. Taamaattoqanngimmat ataatsimeersuarneq inatsisit malillugit ingerlanneqartoq aggersaassummilu oqaluuserisassat ataaniittut oqaluuserineqarnissaannut aalajangiiffiusinnaasoq nalunaarutigaa:

- a) Ingerlatseqatigiiffimmi aallussat pillugit nalunaarut.
- b) Ukiumoortumik nalunaarusiamik 2023-mut tunngasumik akuerisassanngorlugu saqqummiineq.
- c) Ukiumoortumik nalunaarusiaq akuerineqartoq naapertorlugu sinneqartoorutininik atuinnissamut imaluunniit annasaqaatinik matussusiinnissamut aalajangiineq.
- d) Aningaasarsititsisarnermut politikkimik akuersineq.
- e) Siulersuisuni ilaasortassanik – tamatumani siulersuisut siulittaasussaannik aamma – qinersineq.
- f) Siulersuisuni siulittaasup ilaasortallu akissarsiassaannik aalajangersaaneq.
- g) Kukkunersiuisunik qinersineq.

Tamatuma kingorna Aqutsisup Naalakkersuisuni siulittaasoq Múte Bourup Egede oqaaseqartussatut oqaatigaa, taassumalu ataani allasimasoq oqalugiaatigaa:

*"Naalakkersuisut sinnerlugit aallarniutigalugu ingerlatseqatigiiffiup sulisui ukiuni siuliini suliaannut qutsavigaakka. Ukioq unammillernartortaqaarsimavoq. Oqarluaannaraanni ajorluinnarsimavoq.*

*Naalakkersuisut ukiumi angusat naammaginngitsorujussuuaat, tamannalu tunngavigalugu ingerlatseqatigiiffik piaarnerpaamik ilorraap tungaanut aallarteqqinneqassasoq aammalu nunani allani aningaasaliinernit sunnertiannnginnerulersitsisunik suliniutissanik aallartitseqqullugu ingerlatseqatigiiffiup aqutsisui sakkortuumik piumasaqarfigalugit.*

*Ingerlatseqatigiiffiup akiitsuisa qaffasissorujussuit annikillisinnissaat toqqaannartumik ukkatarineqassasoq kiisalu Royal Greenlandip Kalaallit Nunaanni, tassa aallaavimmini sulianut aningaasaliinerni sammillutillu annertusitinneqassasut piumasaraarputtaaq. Royal Greenlandimi immikkut ittumik akisussaaffeqarpoq aammalu ingerlatseqatigiiffik inuiaqatigiit kalaallit amerlanerpaartaannut aalajangiisuulluinnartumik pingaaruteqarluni. Royal Greenlandip kaaviiartitai sulisuilu eqqarsaatigalugit Nunatsinni ingerlatseqatigiiffiit annersaraat, tassani Naalakkersuisut inuiaqatigiit*

*kalaallit sinnerlugit pisortatigoortumik piginnittutut,  
ingerlatseqatigiiffiup eqqortumik sunniuteqarnissaa aammalu  
inuiiaqatigiinnut kalaallinut tunniussaqaartarnissaa, akisussaafigaat.  
Taamaattumik Royal Greenlandip inuiiaqatigiinni kalaallini  
aningaasarsiortitsinerpaasumik sunniuteqarnissaq  
qulakkeersinnaanarlugu pisariaqartumik, Naalakkersuisut  
sinaakkutissiinissamut pisussaafeqarput.*

*Ingerlatseqatigiiffiit niuernermik tunngavilimmik ingerlatsisut  
aningaasaqarnikkut iluanaarutiminnik annertusititsinissamik  
annertunerpaamiititsinissamillu siunertaqarput, taamatuttaaq Royal  
Greenland inissisimavoq. Kisianni Royal Greenlandip iluanaarutai  
aamma inuiiaqatigiinni kalaallini pitsaasumik sunniuteqartussatut  
nalilerneqartarput aammalu inuiiaqatigiinnut iluanaaruteqartitsinissap  
taassuma pinissaanut ingerlatseqatigiiffiup pitsaanerpaamik  
tunngavissaqaartinnissaata qulakkeernissaa, Naalakkersuisut  
akisussaafigaat. Ilanngullugu inoqarfinni isorliunerusunilu  
suliffissaqaartitsinissamut periarfissat annertusitinnissaat.  
Aalisarnermut inatsisissaq ippassaq Inatsisartunit aaliangiunneqartoq  
maani oqaaseqarninni avaqqunneqarsinnaanngilartaaq. Tassani Royal  
Greenland siunissami nalimmassaavigissagipput ilaatigut  
oqariartuutigineqarpoq. Maanna pisussaafigmini suliami  
kivinnissaanut kalluaanerluffiunngitsumik. Tamanna suliasaavoq  
unammillernartulik pitsaasumilli aamma  
aaqqiissutissarsiviusinnaasumik.*

*Tassami Inatsisartut piumasaasa ilagaat, RG ingerlataminik  
siammaanissaa. Soorlu tunitsiviit ilaasa innuttaasunik aalisartunillu  
piginneqateqarnikkut tamakkiisumilluunniit ingerlatsilersinneqarneratigut  
aamma pisassaati ilaasa aalisartunik piginneqatigiinnikkut  
tamakkiisumilluunniit siammarnesisigut aaqqiivigineqarsinnaasut  
oqariartuutaalluni.*

*Ulluinnarni aqutsisut inuiiaqatigiinni kiffartuussivigisaminni  
najuuteqqullugit, Naalakkersuisut siuliani ataatsimeersuarnerni  
ersarissumik piumasarisarpaat.*

*Eqeersimaartumik oqaloqatigiinnerup taassuma ilaatut,  
ingerlatseqatigiiffiup qullersaqarfiata Kalaallit Nunaanni  
inissisimasussaaneranut isummani ersarissaq, Naalakkersuisut  
arlaleriarlutik oqaatigisarpaat. Ingerlatsineq aammalu aqutsisut  
suliassamik taassuminnga pingaarnersuinerat, Naalakkersuisut  
naammagisimanngilaat. Taamaattumik ataatsimeersuarnermi  
matumani Naalakkersuisut oqariartuut taanna erseqqissarusuppaat  
Royal Greenlandip qullersaqarfia ataatsimoorluni Kalaallit Nunaanni  
inissisimassaaq suliffeqarfiullu aqunneqarnera tamakkiisoq Kalaallit  
Nunaanni inissisimassalluni. Pilersaarut naapertuuttoq maannalu  
piviusunngortinneqarnissaminullu siuarsimalluartoq, aggustip  
aallartinnerani aktiaatilimmut tunniunneqartussatut naatsorsuutigineqarpoq,  
ingerlatseqatigiiffiullu aqutsisuiniit pilersaarutip  
timitalernissaanut kiisami naammassinninnissaq piginnittunit  
qilanaaraarput.*

*Naalakkersuisut maluginiarpaat nunani allani aningaasaliinerit  
ingerlatseqatigiiffiup angusaannut annertuumik sunniuteqarnerlussimasut.  
Ataatsimeersuarnermi matumani erseqqissarneqarpoq,  
pissutsit taakkua iluarsiniarlugit aammalu ingerlatseqatigiiffiup*

*pissusissamisoortumik inissisimanera – tassalu Kalaallit Nunaat  
aamma Atlantip Avannaa – immikkut ukkataralugu, Royal Greenland  
iliuuseqassasoq.*

*Ilumorsinnaanngilarmi inuiaat kalaallit ingerlatseqatigiiffiutaat  
nunatsinni suliasamik aaliangersimasumik kivitaqartussa, q,  
tunisassiaminullu toqqaannaq attuumassuteqanngitsunik nunatta  
avataani soorlu Chilemi aningaasaliisarnissaa millionilippassuarnik  
annaasaqaataasumik. Piginnittut ingerlatsivissarlu tassaavoq Kalaallit  
Nunaat tassanngaanniillu avammut pitsaasumik niuerneq,  
ingerlatseqatigiiffimmut piginnittut sinnerlugit  
tusaanngitsuusaagassaanngitsumik naqissuserlara tamanna.  
Inuiaqatigiit tassa RG-p piginnittuii aamma maluginiarpagut ukiuni  
kingullerni pisortanut ajunngitsorsititsisarneq pillugu annertuumik  
oqalliseqartatut. Paasilluarsinnaavagut aamma kissaatigaarput  
siulersuisunut taamatut aaqqissuussinerup unitsillugu  
akissaasersuinermi nutaamik politikkeqalernissamik suliaqassasut.  
Piginnittummi tusaasariaqarpagut.*

*Susanne Christensen, nammineq kissaateqarnini malillugu  
siulersuisunit aninissamik kissaateqarsimasoq, Naalakkersuisut  
qutsavigaat. Taamatuttaaq Jesper Højer aamma Johannes Jensen  
siulersuisunut toqqaqqinneqanngitsut, qutsavigalugit.  
Janne Moltke-Leth siulersuisunut tikilluaqquneqarpoq.*

*Ingerlatseqatigiiffinni anginerusuni arlalinni qullersatut atorfinnit  
taanna misilittagaqarpoq kiisalu siulersuisuni sulinermi sukumiisunik  
misilittagaqarluni. Taassuma Royal Greenlandip ineriartorneranut  
pitsaasumik tapersiinissaa Naalakkersuisut qilanaaraat. Kiisalu  
Karsten Høy aningaasarsiornermi ilinniagartuujunermi saniatigut  
suliffeqarfinnik aqutsinermi aamma inuussutissarsiornerup nunatsinni  
nunallu tamalaat akornanni misilittagaqarfigilluarmagit  
ingerlatseqatigiiffimmut siulersuisunilu sulilluarnissaa  
naatsorsuutigalugu.*

*Taamatut oqaaseqarlunga ingerlatseqatigiiffimmi siulersuisut,  
pisortaatitat minnerunngitsumillu sulisut ukiuni aggersuni  
sulilluarnissaannik kissaappakka.  
Qujanaq.”*

*Kingorna aqutsisup ataatsimeersuarnermi oqaluuserisassat  
oqaluuserineqartussanngortut oqaatigaa.*

**Imm. a) Ingerlatseqatigiiffimmi aallussat pillugit nalunaarut.**

Aqutsisup siulersuisuni siulittaasoq Malīna Abelsen oqaaseqartussatut taavaa, taannalu ima nalunaaruteqarpoq:

*" Suliffeqarfiup 2023-mi angusai sapaatip-akunnerini marlussunni ilisimaneqareersimalerput. Angusat akileraannginnermi 255 millioner koruuninik amigartooruteqarfiupput, siulersuisuniillu tamanna naammaginangitsutut nalilerneqartoq tupaallaatissaagunanngilaq.*

*Ukioq 2023 Royal Greenlandimut immikkut ittumik unammillernarsimavoq, tassami avataani pisunit eqqugaavugut, naammaginangitsumilli angusaqarnitsinnut suliffeqarfiimiit sunniutaasut nalilersorlugillu iliuuseqarfiginissaannut pequtissaqartoq aamma nassuerutigissavarput. Suliassaq siulersuisuni pimoorulluinnarparput.*

*Tunisassiornermi aningaasartuutit qaffasinnerullutillu ernianut aningaasartuutit qaffapput, taakkulu tunisassiat ilaasa tunisinermi akiisa appasinnerunerannut ilanngukkaanni amigartooruteqarnermut sunniuteqaqataapput. Tassa annermik avataani pisut uagut aqussinnaanngisagut.*

*Aammali pisut ilaat pillugit periusissatut pilersaarut naapertorlugu ingerlatsinerput naammannersoq immitsinnut qiviarluta eqqarsaatigisariaqarparput. Periusissatut pilersaarut The North Atlantic Champion aallaavigalugu ukiorpaalunni sulisimavugut. Suliffeqarfik nerisassanik immameersunik qaffasissumik pitsaassusilinnik Atlantikup Avannaaneersunik pilersuisutut siuttuussasoq atiani tusaaneqarsinnaavoq.*

*Taamaakkaluartorli aallussat allarlunnaat Atlantikup Avannaaniinngitsut 2019-imi aallartinneqarput. Nunarsuup illuani aallussiniarneq unamillernarpoq, tamannalu 2023-mi aallussinitsinnut iluaqutaasimanngilaq.*

*Soorlu saqqummiunneqarnikuusoq, Chilemi aallussatsinni 2023-mi naatsorsuuserinikkut annaasaqaatit 85 mio. DKK-jusut matussusertariaqarsimavagut. Royal Greenland sooq Chilemi aallussaqaarnersoq aperisoqarsinnaavoq, tassungalu tunngatillugu Royal Greenlandip periusissatut pilersaarut naapertorlugu ukkatarisassai pingaartitassaalu sukaterneqarumaarmata periusissatut pilersaarummi pingaarnertut aallussagut Nunatsinnik aallaaveqartut ukkatarilissavagut. Chilemi aallussaqaalernerme naatsorsuutigisat misissueqqissaarnernik tunngaveqartut qularinngilara, nunamili politikkeqarnerup inissisimanera niuerfiillu nunani tamalaaniittut kingorna allanngungaatsiarnikuupput.*

*Nunani ilisimasaqarfiginngisani annikitsuinnarmilluunniit ilisimasaqarfigisami inuussutissarsiornikkut aqgutissarsiorneq imminermi qaffasissumik nalorninartoqarfioreersoq nalunngilarput. Angerlarsimaffimmiillu taama ungasitsigisumi pilersitsiniarnermi suli sukumiinerusumik atuuppoq. Chilemi aningaasaliineq Royal Greenlandimut niuerfissanik nutaanik pilersitsivoq, ilimagisamiilli nalorninartoqarnerusooq aamma paasineqarpoq. Tamanna siulersuisut allannguinnissamik pilersaarummi maanna suliarisaminni pimooruppaat.*

*Chile pillugu iliuuseqarpugut. Piffissami matumani tassanngaanniit piivinnissaq iluaqutaanavianngitsoq nalilerparput. Taamaammat aallussat annikillisilugillu pisariaqarfiini nalimmassavugut, maannamiillu annikitsumik iluanaarutaaffiujumaartoq naatsorsuutigaarput.*

*Nunani allani aallussaguttaaq aaqqiissutissanik eqqarsarluta misissorpagut.*

*Nunani allani aallussani iluanaarutaanngitsuni matusisoqarpoq, nunanilu allani aallussat Royal Greenlandimut iluaqutaanissaat qulakkeerniarlugu nalilersortuassavagut.*

*Naatsumik oqaatigissagaanni Royal Greenland piffissap ilaani ingerlalluarfiusumi piffissamut ilungersunarsinnaasumut sillimmaseqqaarnani periusissatut pilersaarut naapertorlugu siammasippallaartumik aallussisimavoq.*

*Suliffeqarfik tamakkiisumik isigalugu suliffeqarfiup isertitaqarnerata aningaasaqarneratalu ilorraap tungaanut saaqqinnissaa qulakkeerniarlugu suusissaasulluunniit misissorpagut. Suliffeqarfik taama angitigalunilu pisariussuseqarmat suliassaq annertullunilu imaaliillaannaq naammassineqarnaviannigilaq. Kilisaaterujussuaq sangutinneqassaaq.*

*Suliassarput suli naammassinngilarput, kisianni aallussat tunisassiallu ikinnerusut ukkataralugit suliffeqarfiup pisariinnerusumik ingerlanneratigut aningaasartuutitut sipaaruteqarsinnaanissarput periarfissaavoq. Atlantiku Avannarleq ukkatarissavarput, suliffeqarfimmilu tunngavigneqartut suli annerusumik nunatsinninngaanniissapput.*

*Matumani Europami tuniniaanermik ingerlataqarneq pisariillisarneqassaaq Europamilu tuniniaanermut ingerlatsiviit arlallit matullugillu tamatumunnga taarsiullugu niuerfinni Europamiittuni tuniniaanitsinnik ikorfartuisussamik Polenimi Naatsorsuuserivittaassaagut.*

*Ajoraluartumik sulisut eqqugaanissaat avaqqunneqarsinnaasimanngilaq. Tuniniaanermik ingerlatsinermi pisariillisaanermut atatillugu allaffiit nunallu tuniniaaviit ikilineqassammata sulisut annermik Europamiittut arlallit inuulluaqqusariaqarpagut. Pineqartut ilisimatinneqareerput, taamatuttaarlupisup nalaani kingornalu pitsaanerpaamik ingerlariaqqissinnaaqqullugit ikiornissaannut pilersarusiornikuuvugut.*

*Sulisunut, maanna inissisimaffitsinni sunnguamilluunniit pisuutinneqarsinnaanngitsunut, sunnuteqarnera ajuusaarnarlunnarpog. Atugassarititaasulli taamaapput. Tamanna suliffeqarfimmi eqqissiviitsisillunilu aalassatsitsisoq ilisimavarput, ataatsimoorlutali suliassatsinnik ukkatarinnissinnaanissarput neriutigaarput.*

*Allassimasutuut aamma annertuallaamik akiitsoqarpugut, taamaammallu suliffeqarfik piffissami erniat qaffasiffianni mianernartumiippoq. Ilaatigut nioqqutissanik annertuunik uninngasuuteqarnaveersaarnikkut akiitsut appartinnissaat anguniarlugu iliuuseqarpugut, suliagarfillu taanna ataavartumik ukkatarissavarput.*

*Susanne Arfelt Rajamand, pisortaqatigiit allat suleqatigalugit ilorraap tungaanut aallaqqinnissatsinnut suliniutinik pilersarusiorlunilu ingerlatsisuusq, ukiumoortumik nalunaarusiap imai pillugit sukumiinerusumik saqqummiiuमारpoq.*

*Ukiumoortumik nalunaarusiami kisitsisit pingaarnert marlussuit eqqaalaassavakka. Nammineq aningaasaatit ukiup siuliani 1.829 mio. DKK-jusimasut ukiup nikinnerani 1.481 mio. DKK-jupput. Ingerlatseqatigiiffiup patajaassusaa ukiup siuliani 28 %-iusimasog 23 %-iuvoq. Kisitsisit pingaarnert taakku ukioq manna pitsaanerunissaat sulissutigaarput.*

*Royal Greenland nunatsinni aqutsinerup aaqqissuussaanera nukittorsarniarlugu 2023-mi iliuuseqarpoq. Royal Greenland suliffeqarfimmi tamarmi porsarsimassutsip tunngavilerlugulu nukittorsarnissaa anguniarlugu suliffeqarfissuarmi aqutsitut nutaat nunatsinni marlunnik pisortaqartut 2023-mi pilersippai.*

*Susanne Arfelt Rajamand pisortaanertut Nuummi toqqarneqarami 2023-mi februaarip aallaqqaataani atorfinippoq, tamatumalu aaqqissuussinerup nutaap aallartinnera ersersippaa. Bodil Marie Damgaardip Sulisoqarnermi Attaveqatigiinnermilu pisortatut oktobarimi atorfinitsinneratigut, Robert-Jan Treebusip Tuniniaanermi pisortatut novembarimi atorfinitsinneratigut, aamma Joanna Hutchinsip Nittarsaassinnermi Piujuartitsinnermilu pisortatut 2024-mi januaarip aallaqqaataani atorfinitsinneratigut suliffeqarfissuarmi aqutsineq ukiup ingerlanerani annertusivarput.*

Royal Greenlandip inuiaqatigiinni kalaallini tunniusimanagerat suliffeqarfissuarmi aqutsisunik arfinilinnik, taakkunani nunatsinniittunik marlunnik, inuttaqarnerata ersersippaa. Taama suliniuteqarnikkut aqutsisutta najuutiinnarnatik aammali suliffeqarfimmi piorsarsimassutsikkut inuiaqatigiinnullu tunngasutigut naleqartitatsinnut tunniusimanissaat qulakkeerneqarpoq. Maannamiit Royal Greenlandip inuiaqatigiinnit tamanit pigineqarnera qularineqassanngimmat ineriartorneq taanna ingerlaannassaaq.

Ukiorpassuit anguniareerlugu maanna nutaami aalisarnermut inatsiseqalerpugut. Pisuussutigut pinngortitameersut, uagut kinguaariillu tulluuttut inuussutigisassaat, pineqarmata inatsit inuiaqatigiinnut annertuumik sunniuteqassaaq.

Allat assigalugit inatsisissatut siunnersuummut tunngatillugu ilassuteqalaarluta tusarniaanermut akissuteqarpugut, tamakkiisumilli isigalugu Aalisarnermut Piniarnermullu Naalakkersuisoq inatsisissamik nutaamik, suliarineqarnermini allannguuteqalaarluni maanna naammassillugu akuerisaasumik, suliarilluakkamik saqqummiisimasoq oqartariaqarpugut.

Aalisarnermut inatsit nutaaq maanna naammassimmat Royal Greenland aalisarnermik inuussutissarsiornerup aalisakkanillu tunisassiornerup attatiinnarneqarnissaanut inerisarneqarnissaanullu suleqataajumaarpoq.

Niuernermiinnaanngitsoq, aammali nunap ilaani naatsorsuutitigut sinneqartoornissamik ajornakusoorfiusuni. Aningaasaliinikkut nuna tamakkerlugu, sikusartumi, avinngarusimasumi, sivikitsuinnarmi aalisarfiusumi aammalu sumiiffinni pissutsit allat atuunneratigut aalisarnerup, tunisassiornerup assartuinerullu ajornakusoorfiani aalisarnermik inuussutissarsiornerup ingerlaannarnissaanut suleqataanerput ingerlatiinnassavarput.

Tasiilami tunitsiveqalernissamut ukioq manna nivariaqqaartoqarpoq. Tunitsivissaq ukioq manna naammassissaaq, taamaalillutalu sumiiffimmi pineqartumi inerisaanermut suleqataasinnaanerpup nuannaarutigingaarpup. Najukkami aalisartut toqqammavigalugit suleqatigiilluarnikkut iluatsissaaqqaartoq upperaarpup.

Siulersuisuni Royal Greenland inuiaqatigiinni napatitsisuusutut isigaarpup taamaammallu immikkut ittumik akisussaaffeqarpup.

Oqareernittuut suliffeqarfik nunatsinni tunngaveqarnerussaaq, ukiullu siuliani ataatsimeersuarnermi Nuummi nutaamik qullersaqarfittaarnissaaq eqqaavara.

Tamanna suli sulissutigarpup, 2023-mili ukiumut angusat naammaginangitsut ersermat pissutsit atuuttut malillugit soorunami nalimmassartariaqarpup. Taamaakkaluartoq suliniutip naleqqussarlugu piviusunngortinneqarnissaa anguniagaraarpup. Tamanna pillugu qulakkiigassat inissereerpata paasissutisseeqqittoqarumaarpoq.

Ilinniartit qanimut suleqatigalugit uagullu nammineq pikkorissarfippup Royal Greenland Academy aqutigalugu inuiaqatigiinni piginnaanngorsaanissamut ilinniartitsinissamullu akisussaaffimmik annertuumik tiguvugut.

2023-mi angusanut inernernullu tunngatillugu ilinniartut 50-it Royal Greenlandimut atassuteqarnissaannik anguniakkat angusimallugit, soorluttaaq ilisimatusartut qulingiluat Royal Greenlandimut atassuteqarsimasut ilisimatitsissutigisinnaavarput.

Ataatsimeersuarnermi ukiuni kingullerni ingerlanneqartartuni arlalinnik umiarsualiortitsineq aalajangersimasumik eqqartorneqartarpoq. Umiarsualiortitseqqinnissamut isumaqatigiissut siorna atsiorparput, tamatumuunalu umiarsuaq kilisaammup raajarniummut Kaassassummut taarsiutaasussaaq pineqarpoq.

*Umiarsuarnut siornatigut sananeqarsimasunut assingussaaq, taannalu 2025-mi tunniunneqartussanngorlugu umiarsualiorfimmi Spaniamiittumi umiarsualiorfitsiffigisartakkatsinni sananeqarpoq.*

*Tamatuma kingorna umiarsualiorfitsinerput naammassissammat suliffeqarfimmi ingerlatitsisuusup ukiuni tulluuttuni teknikkeqarnikkut pitsaanerpaamik atugassaqaalernissaa qulakkeerneqassaaq. Kilisaat Lómur ukiup aallartinnerani ajorluartumik kivisoq aamma eqqaaneqassaaq, aalisariummillu taartissamik nassaarniarluta suliniuteqarpugut. Aammattaaq sinerissap qanittuani raajartassatsinnut aalisartussaqassagut. Tamakku pillugit inaarutaasumik aalajangiinerit aalisarnermut inatsisissap tassungalu tunngatillugu nalunaarutit akuerineqarnerisa kingorna aalisarnermi sinaakkutitut piumasaqaatit ilisimalerutsigit pisinnaapput.*

*Nuummi mittarfittaassaq novembarip naanerani ammassaaq. Mittarfittaarnikkut tunisassiatsinnik avammut tunisisinnaalernissatsinnut taamatuttaarlu pilersuisutsinnut uagutsinnullu iluaqutaasussamik akinik pitsaanagerusunik pisinnaanissatsinnut periarfissat qilanaaraagut. Soorunami aamma Ilulissani mittarfissaq naammassippat periarfissattaq qilanaaraagut.*

*Siunissamut siulittuineq ajornakusoorpoq. Oqareernitsituut suliffeqarfiup isertitaqarnerata aningaasaqarneratalu pitsanngorsarnissaa anguniarlugu pilersaarusiornikuuvugut. Taanna maleqqissaassavarput, avataanili pisut nunarsuatsinnilu aningaasaqarnikkut inissisimaneq soorunami aqussinnaanngilarput.*

*Isertitaqaleqqinnissaaq 2024-mi suliassat pingaarnersaraat, ukioq mannali suliniutit aallatitatta iluaqutaat tamarmik ukioq ataaseq marlulluunniit qaangiuppata aatsaat takuneqarsinnaassapput. 2024 ukiutut allannguiffiusutit isigineqarpoq, tassani siornatigut angusarisimasat anguniarlugit isertitaqarneq pitsanngortikkiartuaarneqassaaq.*

*Tunisassiarineqarsinnaasut qaffasinnerulaartut tunngavigalugit kaaviiaartitat 3 %-imik qaffallugit 6,0 mia. DKK-junissaat kiisalu 2024-mi akileraannginnermi angusat 75-150 mio. DKK-junissaat naatsorsuutaavoq. Pitsanngoriaat annermik pissuseqatigiiaanit aallussanit nunatsinneersuneersuussaaq.*

*Tamatumunnga assingusumik akiitsut ernialersukkat 2024-mi appartinneqarnissaat naatsorsuutigineqarpoq. Siunissaaq ungasinnerusoq eqqarsaatigalugu anguniagaq tassaaq ukiut sisamat ingerlanerini akiitsut ernialersukkat 2 mia. DKK-junissaat.*

*Naggasiutigalugu sulisutsinnut, aalisartutsinnut, Kalaallit Nunaanni Namminersorlutik Oqartussanik suleqateqarnitsinnut, pilersuisutsinnut soqutigisaqartunullu allanut qujarusuppunga. Aammattaaq Susanne Christensen ataatsimeersuarnermi matumani siulersuisuni ilaasortatut tunuartoq qujaffigaara.*

*Oqaaseqarninnut qujanaq."*

*Nalunaarummut tunngatillugu piginneqataasoq oqaasissaqarnerisoq aqutsisup apequtigaa. Naalakkersuisut nalunaarut tusaatissatut tigugaat Naalakkersuisut siulittaasuata Múte Bourup Egedep nalunaarutigaa. Tamatuma kingorna nalunaarut tusaatissatut tiguneqartoq aqutsisup nalunaarutigaa.*

**Ad punkt b) Ukiumoortumik nalunaarusiamik 2023-mut tunngasumik akuerisassanngorlugu saqqummiineq.**

*Pisortaanerup Susanne Arfelt Rajamandip ukiumoortumik nalunaarusiaq kukkunersiugaq siulersuisunit akuerineqarsimasutut atsiorneqarsimasutullu saqqummiuppaa.*



Ukiumoortumik nalunaarusiami pingaernerit takussutissiat iikkamut seqersitat atorlugit erseqqissarpai.

Ukiumoortumik nalunaarusiaq pillugu saqqummiineq tamakkiisoq ukiumoortumillu nalunaarusiaq ingerlatseqatigiiffiup nittartagaaniipput.

Ukiumoortumik nalunaarusiaq saqqummiunneqareermat Naalakkersuisuni siulittaasup Múte Bourup Egedep pisinnaatitsissut Naalakkersuisut Siulittaasuata Naalakkersuisoqarfiani Ingerlatseqatigiiffinnut Allattoqarfimmi ingerlatsisuugallartumut Per Nicolaisenimut ingerlateqqippaa. Immikkoortortami ingerlatsisuugallartoq Per Nicolaisen Naalakkersuisut sinnerlugit taasisinnaatitaasoq aqutsisup akueraa.

Ukiumoortumik nalunaarusiaq pillugu piginnittoq ilassutissaqarneris aqutsisup aperaa.

Ukiumoortumik nalunaarusiaq pillugu siunnersuut Naalakkersuisut akuerigaat immikkoortortami ingerlatsisuugallartup Per Nicolaisenip nalunaarutigaa. Siunnersuut akuerineqartoq aqutsisup kingorna nalunaarutigaa.

**Imm. c) Ukiumoortumik nalunaarusiaq akuerineqartoq naapertorlugu sinneqartoorutininik atuinissamut imaluunniit annaasaqaatinik matussusiinissamut aalajangiineq.**

Ukiumoortumik angusat TDKK (258.713)-inik amigartooruteqarfiusut ukiumi nalunaarusiami allaqqasoq aqutsisup oqaatigaa siulersuisullu ukiumi angusat ima agguataarneqassasut siulersuisut siunnersuutigaat (DKK 1.000):

Iluanaarutit	:	0
Naleqassutsit tamarmiusut malillugit periuseq naapertorlugu sillimmatit	:	(42.473)
Namineq aningaasaatinut sillimmataasunut nuunneqartut	:	(216.240)
Ukiumi angusat	:	(258.713)

Naalakkersuisut angusanik agguataarinissamut siunnersuut akuerigitsik Immikkoortortami ingerlatsisuugallartup Per Nicolaisenip nalunaarutigaa. Siunnersuut akuerineqartoq aqutsisup kingorna nalunaarutigaa.

**Imm. d) Ajunngitsorsiassat pillugit politikkimik akuersineq.**

Naalakkersuisut siulersuisut ajunngitsorsiassa at pillugit malittarisassat nutarsarlugit aalajangersarnikuuaat. Taakku Namminersorlutik Oqartussat ingerlatseqatigiiffiutaanni siulersuisunut aningaasarsiaqartitsisarnermik Namminersorlutik Oqartussat politikkiat pillugu kaajallatsitami nr. 25-mi 2024-mi maajip 9-ani saqqummersumi nassuiarneqarput.

Naatsumik oqaatigalugu siulersuisut pisinnaasaqarluartut pikkorissullu attatiinnarneqarlutillu nutaat kajumilersinneqaqqullugit sulianut tunngatillugu naammaginartumik aningaasarsitinneqartarnissaq aningaasarsiaqartitsisarnermik politikkiimi anguniarneqarpoq.

Namminersorlutik Oqartussat ingerlatseqatigiiffiutaanni siulersuisunut aningaasarsiaqartitsisarnermik Namminersorlutik Oqartussat politikkiat pillugu kaajallatsitaq nr. 25 2024-mi maajip 9-ani saqqummersoq Royal Greenland A/S-imit najoqqutarineqarpoq.

Pisortaqatigiit pisinnaasat, anguniakkat angusallu eqqarsaatigalugit aalajangersimasumik aningaasarsiaqarlutik, aggornerisiaqarlutik nalinginnaasumillu inuttut ajunngitsorsiaqarlutik aningaasarsitinneqartarnissaat ingerlatiinnarneqassaaq.

Aningaasarsititsisarnermut politikki tusaatissatut tiguneqartoq Immikkoortortami ingerlatsisuugallartup Per Nicolaisenip nalunaarutigaa. Aningaasarsititsisarnermut politikki tusaatissatut tiguneqartoq aqutsisup kingorna nalunaarutigaa.

#### **Imm. e) Siulersuisunut ilaasortassanik qinersineq.**

Siulersuisunut ilaasortat ataatsimeersuarnermi qinerneqartut ukioq ataaseq ilaasortaasartut aqutsisup ilisimatitsissutiga. Siulersuisuni ilaasortat ataatsimeersuarnermi qinerneqartut arfineq-marluusut tamarmik taamaammat ullumikkut taasissutigineqassapput, taakkulu ukuupput Malîna Abelsen, Niels Thomsen, Susanne Christensen, Jesper Højer, Johannes Jensen, Arnanguaq Holm Olsen aamma Preben Sunke.

Ataani allassimasut siulersuisuni ilaasortatut qinerneqaqqissasut siunnersuutigineqarput:

- Malîna Abelsen
- Niels Thomsen
- Preben Sunke
- Arnanguaq Holm Olsen

Taamatuttaaq ataani allassimasut siulersuisuni ilaasortanngussasut siunnersuutigineqarpoq:

- Janne Moltke-Leth
- Karsten Høy

Naggasiutitut Malîna Abelsen siulersuisuni siulittaasutut qinerneqaqqissasoq siunnersuutigineqarpoq.

Taamaalillutik Susanne Christensen, Jesper Højer aamma Johannes Jensen siulersuisuni ilaasortaajunnaarput.

Siunnersuutigineqartut aqutsisutut atuuffii ingerlatseqatigiiffiit pillugit inatsimmi § 120, imm. 3 aamma malittarisassani § 8, imm. 9 naapertorlugit ilisimatitsissutigineqartussapput, tamatumunngalu atatillugu CV-t ingerlatseqatigiiffiup nittartagaanut ikkunneqartut Erhvervsstyrelsenillu paasissutissaasiviani [www.virk.dk](http://www.virk.dk)-mi takussutissat innersuutigineqarput.

Siunnersuutigineqartut malittarisassani § 8, imm. 1-imi piumasaqaatit eqquutsikkaat aqutsisup oqaatigaa, kingornalu siulersuisut 3-7 ataatsimeersuarnermi qinigaasunik ilaasortaqaalissapput.

Siunnersuummi arnat angutillu naligiissinneqarnerat pillugu Inatsisartut inatsaanni § 7 eqquutsinneqartoq aqutsisuttaaq nalunaarutigaa, kingorna Naalakkersuisut siulersuisunut ilaasortassanik taasigaangata ilaasortat suaassutsip aappaaniit annerpaamik ataatsimik amerlanerusassapput.

Siulersuisuni ilaasortat siulittaasorlu toqqarneqartut Naalakkeruisunit akuerineqartut immikkoortortami ingerlatsisuugallartup Per Nicolaisenip nalunaarutigaa. Taaneqartut toqqagaasut aqutsisup kingorna nalunaarutigaa.

Sulisut sinnerlugit siulersuisunut qinikkanut qinigaaffik ukiunik sisamanik sivilissuseqartoq 2026-mi ataatsimeersuarnermi aatsaat qaangiutissasoq aqutsisup nalunaarutigaa, taamaammallu sulisut sinnerlugit siulersuisunut qinikkat sulii ukuupput

1. Niels Ole Møller,
2. Sara Biilmann Egede,
3. Johan Berthelsen.

Sinniisussatut toqqarneqartuni pingasuusuni ataaseq kisimi sulii sulisuuvoq, taannalu tassaaavoq Møller Lyberth.

Siulersuisut siulittaasut tullegarlutik malittarisassat naapertorlugit ivertinneqarput.

**Imm. f) Siulersuisuni siulittaasup ilaasortallu akissarsiassaannik aalajangersaaneq.**

Akissarsisitsisarnermut politikki atuuttoq naapertorlugu ataatsimeersuartoqaqqinnissaata tungaanut akissarsisitsissutigineqartussat ataani allassimasut piginnittumiit siunnersuutigineqarsimasut aqutsisup ilisimatitsissutigaa:

Siulersuisut siulittaasuat	: kr. 534.000,00
Siulersuisuni siulittaasup tullia,	
kukkunersuiuinemullu ataatsimiititaliami siulittaasooq	
aamma nalorninartut pillugit ataatsimiititaliami siulittaasooq	: kr. 321.000,00
Siulersuisuni ilaasortat allat:	: kr. 214.000,00

Tamatuma saniatigut siulersuisuni akissarsissutigineqartartut nalinginnaasut 15 %-iinik kukkunersuiuinemut ataatsimiititaliami nalorninartullu pillugit ataatsimiititaliami ilaasortat akissarsisinneqarsinnaasut siulersuisut aalajangersinnaavaat.

Akissarsissutaasussat pillugit siunnersuut saqqummiunneqartoq Naalakkersuisunit akuerineqartoq Immikkoortortami ingerlatsisuugallartup Per Nicolaisenip nalunaarutigaa. Siunnersuut akuerineqartoq aqutsisup kingorna nalunaarutigaa.

**Imm. g) Kukkunersuiisunik qinersineq.**

EY GRØNLAND Piginneqatigiilluni Kukkunersuiuinemut Ingerlatseqatigiiffik Akuerisaasoq, CVR-NR. 30700228, ingerlatseqatigiiffiup kukkunersuiusuatut qinerneqassasoq siunnersuutigineqarsimavoq.

Kukkunersuiisussatut toqqarneqartoq Naalakkersuisunit akuerineqartoq Immikkoortortami ingerlatsisuugallartup Per Nicolaisenip nalunaarutigaa. Siunnersuut akuerineqartoq aqutsisup kingorna nalunaarutigaa.

Oqaluuserisassat tamakkerneqartut aqutsisup nalunaarutigierarlugu oqaaseqarusuttoqarnerisooq aperivoq. Taamaattoqanngimmat ataatsimeersuarneq naammassisutut nalunaarutigineqarpoq.

Aqutsisutut:



Inatsisileritooq Thor Suhr